

中庸

天命之謂性。率性之謂道。修道之謂教。

道也者·不可須臾離也。可離非道也。是故君子戒慎乎其所不睹·恐懼乎其所不聞。莫見乎隱·莫顯乎微。故君子慎其獨也。

喜怒哀樂之未發·謂之中。發而皆中節·謂之和。中也者·天下之大本也。和也者·天下之

達道也。致中和·天地位焉·萬物育焉。

仲尼曰·君子中庸。小人反中庸。君子之中庸也·君子而時中。小人之中庸也·小人而無忌憚也。

子曰·中庸其至矣乎。民鮮能久矣。

子曰·道之不行也·(明)我知之矣。知者過之·愚

者不及也。道之不明也·(行)我知之矣。賢者過之

北宋人多作
明在前行在
後清曰由史
王考兩宜也

晉書行誦
居香山刺史
食難辨德
食難知別

不肖者不及也。人莫不飲食也。鮮能知味也。

子曰：道其不行矣夫。

子曰：舜其大知也與。舜好問而好察邇言。

隱惡而揚善。執其兩端，用其中於民。其斯以

爲舜乎。
謹法考受禪成功曰舜，有克也。仁子我克滿之。

子曰：人皆曰予知，驅而納諸罟獲陷阱之中而

莫之知辟也。人皆曰予知。擇乎中庸而不能期月守也。

子曰·回之爲人也·擇乎中庸·得一善·則拳拳服膺而弗失之矣。

子曰·天下國家可均也·爵祿可辭也·白刃可蹈也·中庸不可能也。

子路問強。子曰·南方之強與·北方之強與·

向德之志
懷德之志
忠者中庸也

而乃指中國
汝之謂也

指子路

抑而強與。寬柔以教。不報無道。南方之強也。
。君子居之。衽金革。死而不厭。北方之強也。
。而強者居之。故君子和而不流。強哉矯。中
立而不倚。強哉矯。國有道。不變塞焉。強哉
矯。國無道。至死不變。強哉矯。

子曰。素隱行怪。後世有述焉。吾弗爲之矣。

句
行於水名

君子遵道而行。半途而廢。吾弗能已矣。君子

依乎中庸·遯世不見知而不悔·唯聖者能之。
君子之道·費而隱。夫婦之愚·可以與知焉。
及其至也·雖聖人亦有所不知焉。夫婦之不肖
·可以能行焉。及其至也·雖聖人亦有所不能
焉。天地之大也·人猶有所憾。故君子語大·
天下莫能載焉。語小·天下莫能破焉。詩云·
鳶飛戾天·魚躍于淵。言其上下察也。君子之

道·造端乎夫婦·及其至也·察乎天地。

中庸之道·字性者道

子曰·道不遠人。人之爲道而遠人·不可以爲道。詩云·伐柯伐柯·其則不遠。執柯以伐柯·睨而視之·猶以爲遠。故君子以人治人·改而止。

忠恕違道不遠。施諸己而不願·亦勿施於人。
君子之道四·丘未能一焉。所求乎子以事父·

未能也。所求乎臣以事君·未能也。所求乎弟
以事兄·未能也。所求乎朋友先施之·未能也
。庸德之行·庸言之謹·有所不足·不敢不勉
。有餘不敢盡。言顧行·行顧言。君子胡不慥
慥爾。

君子素其位而行·不願乎其外。素富貴·行乎

富貴。素貧賤·行乎貧賤。素夷狄·行乎夷狄

。素患難·行乎患難。君子無入而不自得焉。

以是言君子之德也

加入何得理學

在上位·不陵下。在下位·不援上。正己而不

求於人·則無怨。上不怨天·下不尤人。故君

子居易以俟命·小人行險以徼幸。子曰·射有

射

小得

似乎君子。失諸正鵠·反求諸其身。

君子之道·辟如行遠必自邇·辟如登高必自卑

。詩云·妻子好合·如鼓瑟琴。兄弟既翕·和

樂且耽。宜爾室家。樂爾妻孥。子曰。父母其順矣乎。

子曰。鬼神之爲德。其盛矣乎。視之而弗見。聽之而弗聞。體物而不可遺。使天下之人。齊明盛服。以承祭祀。洋洋乎。如在其上。如在其左右。詩曰。神之格思。不可度思。矧可射思。夫微之顯。誠之不可揜。如此夫。

子曰·舜其大孝也與。德爲聖人·尊爲天子·

富有四海之內。宗廟饗之·子孫保之。故大德

·必得其位·必得其祿·必得其名·必得其壽

舜百十六歲

。故天之生物·必因其材而篤焉。加厚之意故栽者培之

·傾者覆之。

詩云·嘉樂君子·憲憲令德·宜民宜人·受祿于天。保佑命之·自天申之。故大德者必受命

。子曰·無憂者·其惟文王乎。以王季爲父·以武王爲子。父作之·子述之。武王纘大王·王季·文王之緒·壹戎衣而有天下。身不失天下之顯名·尊爲天子·富有四海之內。宗廟饗之·子孫保之。

平定天下

武王末受命·周公成文武之德·追王大王·王

天子以上

季·上祀先公以天子之禮。斯禮也·達乎諸侯

大夫及士庶人。父爲大夫·子爲士·葬以大夫

·祭以士。父爲士·子爲大夫·葬以士·祭以

大夫。期之喪·一年達乎大夫·三年之喪·達乎天

三年之喪大夫以上

子。父母之喪·無貴賤一也。

子曰·武王周公·其達孝矣乎。夫孝者·善繼

達孝之由也

人之志·善述人之事者也。春秋修其祖廟·陳

其宗器·設其裳衣·薦其時食。

宗廟之禮·所以序昭穆也。序爵·所以辨貴賤也。序事·所以辨賢也。旅酬下爲上·所以逮賤也。燕毛·所以序齒也。

踐其位·行其禮·奏其樂·敬其所尊·愛其所親·事死如事生·事亡如事存·孝之至也。

郊社之禮·所以事上帝也。宗廟之禮·所以祀

乎其先也。明乎郊社之禮·禘嘗之義·治國其如示諸掌乎。

哀公問政。子曰·文武之政·布在方策。其人存·則其政舉。其人亡·則其政息。人道敏政·地道敏樹。夫政也者·蒲盧也。

故爲政在人·取人以身·修身以道·修道以仁。仁者·人也。親親爲大。義者·宜也。尊賢

爲大。親親之殺·尊賢之等·禮所生也。

在下位不獲乎上·民不可得而治矣。故君子不可以不修身。思修身·不可以不事親。思事親·不可以不知人。思知人·不可以不知天。

天下之達道五·所以行之者三。曰·君臣也·父子也·夫婦也·昆弟也·朋友之交也。五者·天下之達道也。知·仁·勇三者·天下之達

德也。所以行之者一也。

或生而知之。或學而知之。或困而知之。及其
知之一也。或安而行之。或利而行之。或勉強
而行之。及其成功一也。

子曰。好學近乎知。力行近乎仁。知恥近乎勇。
。

知斯三者。則知所以修身。知所以修身。則知

所以治人。知所以治人，則知所以治天下國家矣。

凡爲天下國家有九經。曰：修身也，尊賢也，親親也，敬大臣也，體羣臣也，子庶民也，來百工也，柔遠人也，懷諸侯也。

修身則道立。尊賢則不惑。親親則諸父昆弟不怨。敬大臣則不眩。體羣臣則士之報禮重。子

庶民則百姓勸。來百工則財用足。柔遠人則四方歸之。懷諸侯則天下畏之。

齊明盛服。非禮不動。所以修身也。去讒遠色。賤貨而貴德。所以勸賢也。尊其位。重其祿。同其好惡。所以勸親親也。官盛任使。所以勸大臣也。忠信重祿。所以勸士也。時使薄斂。所以勸百姓也。日省月試。既廩稱事。所以

勸百工也。送往迎來。嘉善而矜不能。所以柔遠人也。繼絕世。舉廢國。治亂持危。朝聘以時。厚往而薄來。所以懷諸侯也。凡爲天下國家有九經。所以行之者一也。

凡事豫則立。不豫則廢。言前定。則不跲。事前定。則不困。行前定。則不疚。道前定。則不窮。

在下位不獲乎上·民不可得而治矣。獲乎上有道·不信乎朋友·不獲乎上矣。信乎朋友有道·不順乎親·不信乎朋友矣。順乎親有道·反諸身不誠·不順乎親矣。誠身有道·不明乎善·不誠乎身矣。

誠者·天之道也。誠之者·人之道也。誠者不勉而中·不思而得·從容中道·聖人也。誠之

者·擇善而固執之者也。

博學之·擇善而固執之上句審問之·慎思之·明辨之·篤行之。

有弗學·學之弗能·弗措也。有弗問·問之弗

知·弗措也。有弗思·思之弗得·弗措也。有

弗辨·辨之弗明·弗措也。有弗行·行之弗篤

·弗措也。人一能之·己百之。人十能之·己

千之。果能此道矣·雖愚必明·雖柔必強。

自誠明謂之性。自明誠謂之教。誠則明矣。明則誠矣。

唯天下至誠·爲能盡其性。能盡其性·則能盡人之性。能盡人之性·則能盡物之性。能盡物之性·則可以贊天地之化育。可以贊天地之化育·則可以與天地參矣。

其次致曲·曲能有誠。誠則形。形則著。著則

明。明則動。動則變。變則化。唯天下至誠爲能化。

至誠之道。可以前知。國家將興。必有禎祥。國家將亡。必有妖孽。見乎蓍龜。動乎四體。禍福將至。善。必先知之。不善。必先知之。故至誠如神。

誠者。自成也。而道自道也。誠者。物之終始

。不誠無物。是故君子誠之爲貴。誠者·非自成己而已也·所以成物也。成己·仁也。成物·知也。性之德也·合內外之道也。故時措之宜也。

故至誠無息。不息則久。久則徵。徵則悠遠。悠遠則博厚。博厚則高明。博厚所以載物也。高明所以覆物也。悠久所以成物也。博厚配地

· 高明配天 · 悠久無疆。如此者 · 不見而章 · 不動而變 · 無爲而成。

天地之道 · 可一言而盡也。其爲物不貳 · 則其生物不測。天地之道 · 博也 · 厚也 · 高也 · 明也 · 悠也 · 久也。今夫天 · 斯昭昭之多。及其無窮也 · 日月星辰繫焉 · 萬物覆焉。今夫地 · 一撮土之多。及其廣大 · 載華嶽而不重 · 振河

海而不洩·萬物載焉。今夫山·一卷石之多。
及其廣大·草木生之·禽獸居之·寶藏興焉。
今夫水·一勺之多。及其不測·黿鼉蛟龍魚鼈
生焉·貨財殖焉。

詩云·維天之命·於穆不已。蓋曰天之所以爲
天也。於乎不顯·文王之德之純。蓋曰文王之
所以爲文也。純亦不已。

大哉聖人之道。洋洋乎發育萬物。峻極于天。
優優大哉。禮儀三百。威儀三千。待其人而後
行。故曰。苟不至德。至道不凝焉。故君子尊
德性而道問學。致廣大而盡精微。極高明而道
中庸。溫故而知新。敦厚以崇禮。是故居上不
驕。爲下不倍。國有道。其言足以興。國無道
。其默足以容。詩云。既明且哲。以保其身。

其此之謂與。

子曰·愚而好自用·賤而好自專·生乎今之世·反古之道。如此者·裁及其身者也。

非天子·不議禮·不制度·不考文。今天下車同軌·書同文·行同倫。雖有其位·苟無其德·不敢作禮樂焉。雖有其德·苟無其位·亦不敢作禮樂焉。

子曰·吾說夏禮·杞不足徵也·吾學殷禮·有宋存焉·吾學周禮·今用之·吾從周·

王天下有三重焉·其寡過矣乎·上焉者·雖善無徵·無徵不信·不信民弗從·下焉者·雖善不尊·不尊不信·不信民弗從·故君子之道·本諸身·徵諸庶民·考諸三王而不繆·建諸天地而不悖·質諸鬼神而無疑·百世以俟聖人而

不惑。質諸鬼神而無疑。知天也。百世以俟聖人而不惑。知人也。

是故君子動而世爲天下道。行而世爲天下法。言而世爲天下則。遠之則有望。近之則不厭。

詩曰。在彼無惡。在此無射。庶幾夙夜。以永終譽。君子未有不如此。而蚤有譽於天下者也。

仲尼祖述堯舜·憲章文武。上律天時·下襲水土。辟如天地之無不持載·無不覆幬。辟如四時之錯行·如日月之代明。萬物並育而不相害·道並行而不相悖。小德川流·大德敦化。此天地之所以爲大也。

唯天下至聖·爲能聰明睿知·足以有臨也。寬裕溫柔·足以有容也。發強剛毅·足以有執也。

。齊莊中正·足以有敬也。文理密察·足以有別也。

溥博淵泉·而時出之。溥博如天·淵泉如淵。見而民莫不敬·言而民莫不信·行而民莫不說。

是以聲名洋溢乎中國·施及蠻貊。舟車所至·人力所通·天之所覆·地之所載·日月所照·

霜露所隊·凡有血氣者·莫不尊親。故曰配天

。

唯天下至誠·爲能經綸天下之大經·立天下之
大本·知天地之化育。夫焉有所倚。肫肫其仁
·淵淵其淵·浩浩其天。苟不固聰明聖知達天
德者·其孰能知之。

詩曰·衣錦尙綱。惡其文之著也。故君子之道

· 闇然而日章。小人之道· 的然而日亡。君子之道· 淡而不厭· 簡而文· 溫而理。知遠之近· 知風之自· 知微之顯· 可與入德矣。

詩云· 潛雖伏矣· 亦孔之昭。故君子內省不疚· 無惡於志。君子之所不可及者· 其唯人之所不見乎。

詩云· 相在爾室· 尚不愧於屋漏。故君子不動

而敬·不言而信。

詩曰·奏假無言·時靡有爭。是故君子不賞而民勸·不怒而民威於鈇鉞。

詩曰·不顯惟德·百辟其刑之。是故君子篤恭而天下平。

詩云·予懷明德·不大聲以色。子曰·聲色之於以化民·末也。詩曰·德輶如毛。毛猶有倫

。上天之載。無聲無臭。至矣。

禮記中庸

中庸講述筆記

民國五十四年十二月
三日在中興大學講

介言

中庸一書。本小戴禮之一種。列於禮記中第三十一篇。提出單行。較大學爲早。大概始於漢時。非由宋程朱爲之也。漢劉歆七畧禮類有此。同時又有中庸說二篇。迨後六朝及唐。皆有注釋。惜多散失。

中庸古本章句，依鄭康成。孔穎達諸儒所訂。爲三十三章。後經宋朱晦庵重編。亦三十三章。章數雖同。然段落畫分則有異。但原文卻未移動。不若大學前後之更張。現通行之單行本。即朱所

編之章次也。

中庸之作者。歷代諸儒。多以爲子思。各書記載。都如是也。惟後人在中庸文句中。摘出一句一辭。如書同文。華嶽等。而疑爲晚出僞託。已由考據家辨而駁之。管窺一見。不能盡擯羣書之言也。

中庸二字之義。漢鄭康成釋爲中和之爲用也。庸作動辭。宋程伊川釋爲不偏之謂中。不易之謂庸。其意中則不過與不及。亦不偏於左右。即認出事理中正重心。堅立不移。庸則平實自然。而無素隱行怪。即踏上事理平實之路。恆久不息。兩者雖異其言。而義未嘗不可融也。

中庸之旨。在闡明人天之道相通。天道至誠無息。化育萬物。人道本亦如之。後爲物欲所蔽。失其高明。故應法天。以復其本。始能並育不害。悠久無疆。

中庸表注

第一章



道

一定之理體、如大路行必由之
此處專指性理

教

人所秉厚薄、及物蔽淺深
使明理合道、不悖性天之本

道離
非道

離去聲
道之體是天性本有之善德
道之用是善德所行之五常八德等
離此善德即是情欲
率善德是道、離善德非道

不覩
不聞

暗室與獨居等處

見隱
顯微

暗室獨居處、離道動機
自省自知、顯然而現

人天合一寸心瀾天
擊水方寸播動全海
太陽黑子地球電波

喜怒
情慾

情未發仍率性
情已發皆中節

仍守其正曰中
天下事理之本
雖發止禮曰和
可通因不遠道
天地正位
生育萬物

第二章

而時中
而無忌

俞樾羣經評議「而」應是「能」字
古「能」作「耐」、時省寫「而」

小中之庸也
王肅本作「之反中庸」多一反字
程朱皆以爲然

中和中庸之辨
朱晦庵謂二處文雖不屬、意實相承也
游氏酢曰、以性情言之則曰中和、以德行之則曰中庸

第三章

能久
鄭注「故人罕能久行之」
朱注「故鮮能之、今已久矣」

第四章

不 行
不 明

司馬光謂「道之不明也、我知之矣、知者過之、愚者不及也。道之不行也、我知之矣、賢者過之、不肖者不及也。」

王安石蘇軾等皆謂「道之不行、我知之矣、賢者過之、不肖者不及也。」此段惟少一「也」字

按、明在前行在後、較爲易解、古書錯簡往往有之

飲 食
之 喻

「喻」人莫不日常飲食、卻少有知味者

「指」人皆有性天之道、而反不知也

第五章

道其

一句

朱晦庵以一句定爲一章

顧起元疑有闕文

此中章開首、或曰「仲尼曰」、或曰

「子曰」朱以此爲章例

第六章

邇言

隱惡

邇者淺近之謂

惡指所進之言

第七章

子知

予、其人自謂
知、與智同

擇守

知禍不避
擇而不守

知而不行等於不知

第八章

拳拳服膺

拳拳、奉持之狀
記著胸中

第九章

均、平治也。

第十章



第十一章

素

避害隱身

漢書藝文志、引素作「索」素或悞也。鄭注同「倭」、義爲嚮、趨向。顏師古注「求索隱暗之事、而行怪迂之道。」

第十二章

(此乃朱注)

費而隱

費、「用」之廣也

體用指率性之道

隱、「體」之微也

「與知」指費用、「其至」指隱體

(附注)費隱、正義注「道德違費、則隱而不仕。」

(私意)天地之大事理萬端、人憾其不能窮、至於君子之道、天地之體不能

載其大、天地之用、不能破其小。

鳶飛
魚躍

詩大雅旱麓篇、子思所引

化育德行、如鳶魚之顯著、而自上下

第十三章

伐柯

詩邶風伐柯篇

柯指斧柄、言伐木以作斧柄、本自執斧柄耳
喻道在己而不在遠

忠恕

盡己之心謂忠、推己及人謂恕
忠恕即道之用、可即用得體

君子道四承此

先慥

先、去聲、有提早在早之意、動辭
慥、急迫意

(附注)慥義、鄭解「守實」、朱解「篤實」、王引之經義述聞

解「言行急也。」

第十四章

正鵠

習射之靶曰侯
侯中懸皮曰鵠、鵠中畫方形曰正
(「正」古書作「鵠」) (鵠正皆小鳥)
失者射之不中

第十五章

好合
順矣
詩小雅常棣篇
孝於父母從好合妻子始

第十六章

鬼神
之德
易繫辭「精氣爲物、遊魂爲變」
宋張子曰「二氣之良能也」
竊謂精氣爲物、動植礦皆有也
德
孔疏「萬物無不以鬼神之氣生也」
朱注「猶言性情功效」

體遺

為萬物之體
萬物皆不離此

齊明
洋洋

齋戒明潔
流動充滿狀

詩格
矧射

大雅抑之篇
格、來也。矧、況也。射、音亦、厭怠也

莫顯乎微

第十七章

篤義

善、天厚其福
惡、天厚其毒
有德取培
無德取覆

(附)舜之大德「大孝」、位「天子」、祿「四海」、名「聖人」、

壽「百十八歲」

詩、大雅假樂篇

嘉、善也

憲、顯也、憲、盛大之義

民、人人通稱之辭、此處人謂有爵者、民謂無爵者

申、重也、重複之義

詩 嘉
憲 申

第十八章

壹戎衣

一著戎衣也

殪大殷也

尚有他、大同小異



第十九章

宗廟——天子七、以下遞減

宗器——先世所藏之重器（又鄭毛皆曰祭器）

昭穆——太祖居中、左昭右穆——父子之序

序爵——「爵」公侯大夫之位

序事——「事」宗祝所司之職

旅酬——旅、眾也

酬、飲酒也

燕毛

燕、飲讌也
毛、髮也、辨白黑意

郊社

郊、祭天也——即上帝

社、祭地也——即后土

單云上帝、此省文

禘嘗

禘、五年一次之大祭

嘗、秋祭——四時皆有祭、此省文

第二十章

方策

方、木版也
策、竹簡也

古無紙、木竹作書

(附注)人道敏政等之敏字、漢儒作敏勉解、謂人君必勉力為德政
猶地必生殖樹木也。

蒲蘆

鄭注引詩、謂是「螺贏」祝桑蟲化爲己子意
沈括注、即蒲葦也、易生之意

殺等

殺、言其滅也、如服制
等、言其次也、如爵祿
禮所生也

(人君)
君子

修身——因「爲政在人、取人以身」必自養德
事親——因「修身以道、修道以仁」孝爲仁本
知人——因「親親爲大、尊賢爲大」擇賢爲師
知天——因「親親之殺、尊賢之等」天理性德


達道
達德

達道五
達德三
「誠」爲一
行之——推動也
能行如力
所行如器

九經
五段



塗異
至同



齊明
等意

齊明盛服——內敬外莊

去讒遠色——讒色皆能疏賢

同其好惡——順其心志

官盛任使——多置屬僚任使

忠信重祿——待以忠信厚其俸祿

時使薄斂——厚培民力

既稟稱事——既稟與餼廩同

嘉善矜不能——獎勸外僑

「繼絕」「已亡」、「持危」「已亂」、「朝聘」平時

跲困等

跲——顛扑也（跲）劫、笈、夾三音意同
困——扼也
疾——病也
窮——盡也

一能
百之

一能十能——謂聰敏者、一學十學能知
百之千之——謂魯鈍者、百倍千倍亦能知

第二十一章

誠與明

自誠明——性之本、誠是體、明是用（性）
自明誠——性之蔽、明由學、誠復本（教）

第二十二章

性與
人性
物性

性——此天命之本性
人性——此習遠之異性
物性——此事物之理性

干與也

參
三也、立於二者之間意

第二十三章

曲

鄭——細少也
朱——一偏也

形——形現於外之謂

第二十四章

著龜

著、靈草也、作筮用、衍數占休咎
龜、水族動物、作卜用、觀象占休咎

四體

鄭謂龜之四足
朱謂人之威儀動作

第二十五章



第二十六章

久則微

久指誠內之存、爲時之久
微指形外之驗、著方之遠

高明博厚

博厚、誠德所積
高明、博厚所發

不測不貳

不貳乃至誠不息之德
不測乃天地生物之功

詩云

周頌、維天之命篇
不已、同不息
不顯、即丕顯

第二十七章

洋洋
優優

洋洋——充滿之意
優優——充而有餘

禮儀
威儀

禮儀、有謂儀係經之誤、此指「吉凶賓軍嘉」總綱
威儀、乃禮節容動之細目

德性
問學

德性、謂天然之明德、天命之性必尊率之爲道
問學、即學問也、必由是致知道體

致廣
四句

廣大盡精微
高明道中庸
溫故而知新
敦厚以崇禮

尊德性
道問學


詩云

大雅烝民篇、言宣王用仲甫事
明謂能顯其功、此映言足以興
哲智也、此映默足以容

第二十八章

子曰

此章兩處「子曰」、其間之文有異
鄭謂皆孔子語、朱謂中間子思語



第二十九章

上焉無徵
下焉不尊

上、指周代以前無考
下、指現代無位

君子之道

君子、指王天下之人
道、指議禮制度考文

本諸身
至知人

本身徵民
考三王、夏商周其道相同
建天地、可以參贊化育
質鬼神、映建天地不悖、故曰知天
俟聖人、映考三王不謬、故曰知人

詩

曰

周頌、振鷺篇

射音亦、惡射皆厭意

在彼、映遠之、指地與民

在此、映近之、指己與道

第三十章

仲尼
述憲
律襲

祖述、遠傳意。憲章、效法而顯之

律、順守意。襲、因循其適

此段總說、法聖人、則天地、而立道

地無不載

天無不覆

作天時水土之譬

四時錯行、日月代明、言天之德

物並不害、道並不悖、言地之德

小德大德、天地之德

川流敦化、天地之象

以形聖人之德

第三十一章

至聖五德



朱子謂此四合仁義禮智

見說隊



第三十二章

至誠

大經、九經也、能經
大本、中道也、能立
化育、導而生息、能知

非倚而能

三昧

三昧、懇切貌、仁人之象、經大經
淵淵、深靜貌、厚地之象、立大本
浩浩、廣大貌、高天之象、知化育

惟聖知聖

固聰明聖知達天德者、指別一聖人
其孰能知之、指至誠三昧淵淵浩浩者

第三十三章

國風、衛碩人篇、鄭之豐、作「衣錦褻衣」

衣、去聲、穿著之意

綱、外之罩衣也

的然、錢大昕疑、的是的之誤

淡、簡、溫、是綱之襲於外者

不厭、文彩、條理、是美在中也

風自、俞曲園疑是「凡目」之誤。周禮有「治凡」「治目」之文、

鄭注「治凡若月計也、治目若今之日計也。」是以鉅細相對

詩云

詩云

小雅、正月之篇

無惡於志、惡去聲、不愧於心之義

詩云

大雅、抑之篇
相、視也

屋漏、屋之西北隅。屋、小帳也、漏、隱密也。
亦作安藏神主、人不常見之處

詩云

商頌、烈祖篇
奏假、奏進也、假即假、音格、至也
無言、靡爭、言誠敬之至、人自化之

詩云

周頌、烈文篇
百辟、辟、君也、百辟指諸侯
刑同型、謂典型也

詩云

大雅、皇矣篇

不大聲色、形容「不顯」之妙、只「不大」而已

詩云

大雅、烝民篇

輶、輕意、較「不大」則微乎微矣

詩云

大雅、文王篇

上天之載、載栽培之意

無聲臭、無迹象可求、不顯惟德、化民至矣

中庸表注